

# धम्मपद

( श्लोकबद्ध भावानुवाद )

भावानुवादक  
सत्यमोहन जोशी



पिकापिं  
गावाहाल जिणोंद्वार संवया श्रद्धालु महानुभावपिं  
ललितपुर ।

श्रामणेर् धम्मानन्द

# धम्मपद

( श्लोकबद्ध भावानुवाद )

भावानुवादक  
सत्यमोहन जोशी



हापां

१०००

ने. सं.

१०७६

मू

१२५

प्रकाशक

शाबाहाल जिर्णोद्धार संघया  
श्रद्धालु महानुभावपि, ल.पु.


(फुकं अधिकार सुरक्षित—भावानुवादक याके)

Dhamma Digital

थागु थाय्

“सरस्वती प्रेस”

ववहित्ति, कान्तिपुर ।



## न्हूगु बुद्ध मन्दिर, गाबाहाल

( विश्व शान्ति महाविहार )

भीगु नेपाल प्राचीन कालनिसें बुद्ध धर्मया केन्द्र स्थान जुया वैचंगु खः धैगु खँ थन भीगु न्होने खनें दै च्वंगु असंख्य चैत्य, विहार, गुम्बा इत्यादि बुद्ध स्मारकं धै च्वंगु दनी । तर काल गती लाना गुलि विहार नष्ट जुल ज्वी, गुलि न्हूगु विहार निर्माण जुल ज्वी बजा इतिहास स्वया च्छोपिसं जक भीत बांलाक कनी । १४०० दै न्होनिसें श्री मत्सेन्द्र नाथया गाबाहा जात्रा न्यायका वै च्वंगु ' गाबाहाल ' धैगु नं यलया छगू नांदंगु सुप्रसिद्ध विहार खः, तर ३०० दै न्हो हे थव गाबाहा नष्ट भ्रष्ट जुया केवल नां जक लयना च्वंगु जुया च्वन । भगवान् बुद्ध २५०० दै लिपा जिगु धर्म हाकतं छक विश्व तस्सकं थी तिनी धै बिज्या थै थुगुमी बुद्ध सम्बत् २४९९ दै स नष्ट भ्रष्ट जुया तना च्वंगु गाबाहा हानं लुया वल अले गाबाहाल जिर्णोद्धार सङ्घया पाखें थवया पुनस्थापना भगवान् बुद्धया २५०० गू जन्म दिन खुन्हु हे जुल । थव भी ललितपुर निवासी जक मखु, नेपाली मात्रया जक नं मखु, अभ् शान्ति कामना याईपि संसार व्यापि प्रत्येक व्यक्तिपनिगु निम्ती हर्षयागु खँ खः ।

## जिगु खँ

बुद्ध वचनामृतं जाया च्वंगु ' धम्मपद ' या थ्व श्लोक-  
बद्ध भावानुवाद थनी १२ दँ न्होहे जि च्वया सिधेका  
तयागु जुल । यलया सुमङ्गल विहारे दैपि आपलं उपासक  
उपासिका पिन्संजा थ्व श्लोकबद्ध भावानुवाद ल्हयाकया  
न्वे वेका कण्ठयाना तगुनं जुल । लिपा थ्व सफू ' धर्मोदय '   
या पाखें छापे ज्वीत कलकतायूनं वन, तर दुःखया खँ थ्व  
जुल कि सफू छापे ज्वी न्होहे लँय् तंगु जुल ।

थौं २५०० दँया बुद्ध जयन्तिया उपलक्षे, यलया गावाहा  
जिर्णोद्धार संघया श्रद्धालु महानुभावपिनिगु पाखें थ्व सफू  
छापे याका व्यूगु जुल । थ्व सफू स्वांयापुन्हि यात लाक्क  
हथासं पिकाये मागु जूगुलि संशोधन याये मलावंहे न्हापा  
गथे च्वया तयागु खः अथेहे छापे जूगु दु, गनं द्वंगु दःसा  
क्षमा फवना ।

ल. ए. बकुंवाहाल

ने. सं. १०७६

सत्यमोहन जोशी

शब्द 'धम्मपद' या श्लोकवद्ध भावानुवाद सफू छापे यायेत  
चन्दा विया विज्यापि श्रद्धालु महानुभाव पिनिगु धलपौ ।

चन्दा दां

१. श्री साहु ज्ञानबहादुर कीर्तिबहादुर बज्राचार्य वनबाहा ल. पु.	१० तका
२. श्री " विष्णुदास, जीवराज "	१० "
३. श्री " पूर्णबहादुर बज्राचार्य "	१० "
४. श्री हर्षमुनि, हर्षदेव बज्राचार्य "	१० "
५. श्री धर्मराज जोगराज बज्राचार्य गाबाहा लपु	१० "
६. श्री बुद्धलक्ष्मी, लोकमान बज्राचार्य "	१० "
७. श्री साहु जीतबहादुर मोहनबहादुर अमात्य "	१० "
८. श्री " रत्नराज, इन्द्रराज बज्राचार्य "	१० "
९. श्री तेजमान, हर्कमान बज्राचार्य "	१० "
१०. श्री मङ्गलानन्द राजोपाध्या	१० "
११. श्री पंचवीरसिं, जोगवरसिं बज्राचार्य "	१० "
१२. श्री धीर्जमान, रत्नमान श्रेष्ठ "	५ "
१३. श्री पं. होमनाथ, पं. कृष्णप्रसाद शर्मा जाबलाखेल	१० "
१४. श्री रत्नलाल, नन्दलाल शिल्पकार जोम्बाहा	१० "
१५. श्री जोगमान जोगरत्न बज्राचार्य प्यंग थां	४० "
१६. श्री तुयू, धनलाल दंगुल कुलेनती	१० "
१७. श्री रत्नपति, उष्णीशपति बज्राचार्य सिबाहा	१० "
१८. श्री बज्रमेहर, पद्ममेहर बज्राचार्य नत्वाः	१० "
१९. श्री हर्षमुनि, हर्षराज बज्राचार्य "	१० "
२०. श्री कुबेरमानसिं भाजुरत्न बज्राचार्य तुबहाल	१० "

## (11)

२१. श्री साहु पुण्यराज ब्रह्मचार्य बुधहाल ल. पु.	१०	"
२२. श्री पञ्चमुनि, पूर्णमुनि ब्रह्मचार्य "	१०	"
२३. श्री मोति गुरुजु, सर्वज्ञराज बुधहाल (भगवान् बुक)	१०	"
२४. श्री हर्षराज, कुलबहादुर ब्रह्मचार्य "	१०	"
२५. श्री हीराकुमारी, वै. चेतकीधर "	१०	"
२६. श्री कुबेरमान, बेखाराज ब्रह्मचार्य बकुद्वाननी	१०	"
२७. श्री मोहनमाया, हेरामानसि (शुक्रमान) हकवाहा	१०	"
२८. श्री व्यामुनि हर्षरत्न ब्रह्मचार्य "	१०	"
२९. श्री विरंगत धनकाजी, धर्मरत्न ब्रह्मचार्य नःबाहा	१०	"
३०. श्री वै. देववीर, वै. कान्छा ब्रह्मचार्य दौबाहा	१०	"
३१. श्री गौतम राज, पुरुषोत्तम राज ब्रह्मचार्य चलखु	१०	"
३२. श्री हर्षमुनि शङ्खमुनि ब्रह्मचार्य	१०	"
३३. श्री कुलज्योति, ब्रह्मचार्य गाबाहा	१०	"
३४. श्री जगतरत्न ब्रह्मचार्य हकवाहा	१०	"
३५. श्री जीतमेहर ब्रह्मचार्य नः त्वा	१०	"
३६. श्री बुद्धिलाल नसर्हिलाल जोशी पूर्णचण्डी	१०	"
३७. श्री स्वयम्भूराज ब्रह्मचार्य तः जः	१०	"
३८. श्री आशाकाजी गजराज ब्रह्मचार्य गाबाहा	१०	"
३९. पूर्णमान शाक्य नःबाहा	१०	"
४०. कुलज्योति पूर्णज्योति ब्रह्मचार्य बकुद्वहा	१०	"
४१. आशाकाजी आर्द्धतमान ब्रह्मचार्य गाबाहा	१०	"



Dhamma Digital Library

## गावाहाल जिर्णोद्धार सङ्घा पदाधिकारीपिं

त्रैलोक्यराज ( स. कोषाध्यक्ष )	कीर्तिवहादुर ( कोषाध्यक्ष )	पूर्णवहादुर ( मंत्री )	गजराज ( स. मंत्री )
आइतमान ( संगठन )	हर्षराज ( सभापति )	चेतकीधर ( उपसभापति )	कुलज्योति ( प्रचारक )



# धम्मपदं

[ श्लोकवद् भावतुवाद ]

ज्वो ज्वोगु वर्ग - १

- ११ धर्म न्यागु अवस्थासं मनं उत्पन्न ज्वी फुक  
मन सदां अकें मुख्य मन धैगु मनोमय  
मभिगु मनयो पोखे ज्या खं घात सुनां थन  
“दु ख वैसो उया ल्यूल्यू घःवाथे दो हया लिक!”१।
- १२ मन न्यागु अवस्थासं हापलाक वनीगु सो  
मनहे मुख्य संसारे सर्व व्याप्त अनन्त सो  
भिगु मनं सधां भिक ज्या खं ग्राई सुनां थन  
“सुख वैसो उया ल्यूल्यू किचथे देहया लिक!”२।
- १३ “जित सोसो लुतय् घात. त्याकल, दाल, व्बोबिया  
धका सुनां मती तःसा शत्रु शान्त मजू उया।३।
- १४ “जित सोसो लुतय् घात, त्याकल, दाल, व्बोबिया  
धका मनय् मतःसाजा शत्रु शान्त जुई उया।४।
- १५ “शत्रु शान्त मजू खालि शत्रु भावं सुयां थन  
मित्र भावं जुई शान्ति नियम थव सचात्त।५।
- १६ मया विचारजा मूर्ख “डनू सी मानि भी” थया  
विचार यदि यागूसा कलह शान्त उवी उया।६।

॥ ७ ॥ स्वया जुईह कूट्टि मि भालपा विनेजक  
वीर्यहीन महो अल्सी वशय महुह इन्द्रिय  
थुजोपि फुकयां नाश फसं दुर्बल वृक्षया  
नाश यार्थे जुया च्चोनी मार पाखे फये जुया ७

॥ ८ ॥ ज्ञान दृष्टि स्वया ज्जीहं मभि भाषा पिने तथा  
उद्योगी वीर्यवान् ज्जीह इन्द्रियादि वशय दया  
व्यक्तियात् "फसं लोह संके गथे फई मखु"  
अथेनतुं सदा मारं नाश याये फई मखु।८

॥ ९ ॥ स्वच्छ मन विना ज्जीह महुह सत्य संयम  
योग्य मजू उया लोके काषाय वस्त्र धारण।९।

॥ १० ॥ मनया क्लेश वांछोह शील सत्य सदा दुह  
संयमीत जुई योग्य काषाय वस्त्र धारण।१०।

असार वस्तुया सार तथा असार सारया  
धाइपि अज्ञया ज्ञान दैमखु सार वस्तुया।११।

दुरु लार्थे फुकं स्यूह ज्ञान सार असारया  
शुभ दृष्टिकया प्राप्त सार ज्ञान जुई सदा।१२।

पौ मभिसा गथे वर्षा ज्जीबले लःज्वया स्यनी  
चित्त भंग जुया च्चोसा राग द्वेष लुया घई।१३।

वांलाक यदि पौ भिसा गनहे वा ज्ज्वई मखु  
ध्यान युक्तगु चित्तय् नं राग द्वेष ज्ज्वई मखु।१४।

पापीयात् जुई शोक इह व परलोकस  
दुष्ट कर्म खना थःगु शोक पीडा जुई अम् ११५।

शुभ कर्म सुनां याई सन्तोष दे उया निखे  
अर्थात् थव इह लोके वा परलोके हर्ष उखे  
शुभ कर्म सदा याना थैगु सिया उया मने  
सुगति प्राप्त ज्वी भिंगु हर्ष सन्तोष ज्वीके ११६।

पाप कर्म सुनां याई सन्तप्त ज्वी सदा उया  
थुगु लोके व पलोके अति दुःख निखें सिया  
“पाप याना खनी सो जि” धका अले मती तथा  
दुर्गति प्राप्त ज्वी खालि भापा कष्ट नया उया ११७।

आनन्द ज्वी निखें लोके इह व परलोकस  
यदि यासा सदा भिंगु पुण्यगु कर्मजा थन  
“पुण्य याना खनी थैगु” सियालि हर्ष ज्वी उया  
सुगति प्राप्त ज्वी लीपा आनन्दित अपो जुया ११८।

धर्म ग्रन्थ सिया च्चोसां प्रमादी यदि वं जुया  
ग्रन्थया अनुसारं ज्या मयासा थन सो उया  
अन्यया सो भवया ज्वीह्म ग्वालं गये कि साएगु  
दुरु त्वने मखथेंतुं श्रमणत्व उया महु ११९।

धर्म ग्रन्थ सिया च्चोसां भतिचा जक नं थन  
राग द्वेष तथा मोह त्याका तोता प्रमाद नं  
ग्रन्थानुसार ज्या यासा बुद्धिमान् संयमी जुया  
बहेय्यकि सधं लोक्य भागी ज्वी श्रमणत्वया २०

## अप्रमाद विग

अप्रमादि सदा भि-लं, प्रमादि बरु मृत्यु - लं  
अप्रमादी चिरंजीवी, प्रमादा मृत्यु दुख ! ॥ १ ॥

आर्य धर्म सदा चोर्वि, पण्डितं अप्रमादया  
बिरोधता फुलं सीका, उकी चवनी खुसी जुया ॥ २ ॥

ध्यानी धीरम्ह उद्योगी, नित्य हृद पराक्रमं  
योग क्षमगु निर्वाण, प्राप्त याई बुलुं मनं । ३ ॥

जागरूक व उद्योगी, धर्मजीवी व संयमी  
ज्ञानीम्ह अप्रमादीया, यश बृद्धि सदा जुई ॥ ४ ॥

अप्रमाद व उद्योग, संगम शक्तिया बलं  
बुद्धिमानं सदा 'द्राप' दयका ते मथीगु लखं ॥ ५ ॥

दुर्बुद्धि मुखेपि व्यक्ति प्रमादी नित चरन्वनी  
पण्डितं अप्रमादीया, रक्षा धनेव यान्त्वनी ॥ ६ ॥

प्रमादी उची मने व्यर्थ, कामे आसक्त उची मने  
अनन्त सुख ज्वा प्राप्त, अप्रमादी जुई बले ॥ ७ ॥

पण्डितं जव त्या की, सो ! अप्रमादं प्रमाद व ॥  
निसोकीम्ह जुया स्वो ज्वी प्रज्ञा प्रासादया लुखां  
शोक ग्रस्त मनूतेगु, मानो पर्वतया च्चकां  
कं च्चोपिं व्यक्तियो पाखें, स्वैम्हथें शोक - द्वार व ॥ ८ ॥

अप्रमाद प्रमादीजा, चोपिं मध्येतु जागृत  
बुद्धिमान वि वनी न्हापा, तेजीम्ह सलथें नित ॥ ९ ॥

अप्रमादी जुया इन्द्र देवया देवथें जुल  
अप्रमाद सदा स्तुत्य. प्रमाद निन्दया मल ! ॥ १० ॥

अप्रमादे च्चना च्चोम्ह. भय कया प्रमादया  
मिधुं बन्धनया भस्म, यारं अग्निं सरी सदा ॥ ११ ॥

अप्रमादे च्चना च्चोसा, भय कया प्रमादया  
पतत धैगु ज्वी म्वाला, निर्वाण लाभ ज्वी उया ॥ १२ ॥

( ६ )

## चित्त वर्ग - २

चित्त धयागु दुरंश भस्थिर दुर्निवार्यनं  
तप्यंके चित्त ज्ञानीजुं बाणथे बाणकारकं ! ॥ १ ॥

लखंकयो स्थले तःसो न्यां सना उधी उखेयुखे  
मारया बन्धनं वेत सना उधी चित्तनं अथे ॥ २ ॥

अजेय चंचली चित्त दमन याप्रगु मि सदा  
वेत दमन याय् फःसा बिई वं सुख सर्वदा ॥ ३ ॥

खंके थाकुम्ह, बाठोम्ह स्वच्छन्दं उधीम्ह चित्तया  
रक्षा याय्मा सुमेधार्की याय्फःसा सुख दै उया ॥ ४ ॥

दुरगामी निराकार एकत्र रडस्यम्ह  
चित्त संयम याय् फःसा दै मखु मार बन्धन ॥ ५ ॥

स्थिर चित्त बिना जूम्ह सद्धर्म ज्ञान शून्यम्ह  
प्रसन्न चित्त तोतूम्ह जुई प्रज्ञा अपूर्णम्ह । ६ ।

सदा स्थिर अनाशक्त चित्तयुक्त स्वतन्त्रम्ह  
जागरूक जुयो उधीम्ह व्यक्तिया भय दै गन ? ॥ ७ ॥

गोपचार्ये धका सीका शरीर धैगु नश्वर  
नगरथे तयो चित्त प्रज्ञा नामक शास्त्रत  
ज्वना युद्ध सदा याय्गु मारनाप निरन्तर  
त्यासो ज्यीगु अनाशक्त, यानो व चित्त रक्षित ॥ ८ ॥

अहो थव देहजा शीघ्र मदया थन चेतना  
निरर्थक जुया सिथे भूतले ग्वोतुली गना ! ॥ ९ ॥

शत्रुं शत्रु तथा वैरिं वैरियात बिनाशथे  
कृमार्गे व्यस्तगू चित्तं नाश याई उखे थुखे । १० ॥

मां वी थःथितिया पाखे ज्वी मखु उपकार जा  
शुलि सन्मार्गे या चित्तं थःत याई भलो सदा ॥ ११ ॥



## स्वाँ वर्ग - ३

देव सहित पृथ्वी व यमलोक बुकी सुनां ?  
धर्मया पद बाँलाक स्वाँथे ल्यया ज्वनी सुनां ? ॥ १ ॥

शेक्ष धैम्हँ बुकी उक्त पृथ्वी व यमलोक सो !  
शेक्ष धैम्हँ ल्यया काई धर्मया पद भिगु सो ! ॥ २ ॥

सीका शरीर पीजाथे अभावा मृगया जल !  
मृत्यु त्रास बिना च्वाँने तोथुला मार बन्धन ! ॥ ३ ॥

रागादि युक्त स्वाँ थ्वेगु आसक्तपि मृत्युं ज्वनी  
यना च्वाँपि मनू गामे गथे च्वाँक खुसि यनी ! ॥ ४ ॥

पञ्च काम गुणं युक्त स्वाँले आसक्तपि जुया  
कामे तृप्त मजुपिन्त मृत्युं ज्वनी बरी कया ! ॥ ५ ॥  
बर्ण गन्ध मस्यंकूसे स्वाँ रस भंमलं कया  
वनीथे, मुनिजुं गामे चाहिला उवीगु भि घया ! ॥ ६ ॥

पर दोष तथा अन्य कृत अकृत स्वे मते  
कृत अकृत थःगूहे ज्वाँ अत्युत्तम स्वे बले ॥ ७ ॥



( ९ )

गन्ध रहित बांलागु पुष्प अमूल्य ज्वी मखु  
कार्य हीनगु बांलागु खंनं अमूल्य ज्वी मखु । ८॥

सुगन्ध युक्त बांलागु पुष्प अमूल्य ज्वी गथे  
सुकार्य युक्त बांलागुखंनं अमूल्य ज्वी अथे ॥ ९ ॥

स्वां द्व जू बांलागु स्वां माला स्वांमा हँथें पवित्रगु  
संसारे जन्म जूपिन्सं स्वां हनेमा सुकर्मगु ॥ १० ॥

चन्दन पुष्पया वास्ना फय मवं थाय् वने मफु  
उखे सत् व्यक्तिया वास्ना फय्या विरुद्ध ज्वीतु फु ॥ ११ ॥

पलिस्वां व चमेलिस्वां तगर चन्दनादिया  
वास्नासिकं अपो मि ज्वी वास्ना उत्तम शीलया ॥ १२ ॥

तगर सिन्हया वास्ना अल्प केबल ज्वी थन  
शील सुगन्ध चाःहिला फैले ज्वी देव लोकन ॥ १३ ॥

शीलं पूर्ण जुयाचवोँह अप्रमादी जुया अम्भ  
युक्तम्ह व्यक्तिया मार्ग मारं खंकेगु फै गन ? ॥ १४ ॥

सग्गा तधंग लँप्वी दै गन वान्छोग फोहर  
वहेथासे बुयाचोनी गुलाफ पुष्प सुन्दर  
ल्केशं युक्तजुया च्वोँपि व्यक्तिया पुचले तथा  
सम्बुद्ध शिष्यपि प्रज्ञां प्रकाशमान ज्वी सदा ! ॥ १५ ॥

(१०)

## मूर्ख वर्ग - ४

आगत व्यक्ति रात, थकित व्यक्ति पथ  
मूर्खम्ह व्यक्ति लोक, दीर्घ ज्वी थालि निश्चय ॥१॥

पासा या थःस्वया मिम्ह मफुसा षः समानम्ह !  
मदुसा बह थो घेर्य ! थाय्मते तर मूर्खम्ह ! ॥२॥

काय् ध्यवा दु घका च्चोम्ह मूर्खया दुःख ज्वी सदा  
देह हे मखु सो थःगु गन काय् गन सो धववा ! ॥३॥

मूर्ख 'जि मूर्ख षः' धासा लं अंशे बुद्धिमान व ज्वी  
मूर्ख 'जि बुद्धिमान' धासा अले व चास मूर्ख ज्वी ॥४॥

सत्संगत सदा यासां धर्मया रस सी मखु  
मूर्खपिन्सं ! गथे धासा 'क्येया स्वा धववां मय्यु' ॥५॥

सत्संगत भला घौन्डि जुसां सद्वर्माया रस  
बुद्धिमान पुरुष ध्वीकै जिह्वाथे स्वाध्याया रस ॥६॥

थःत थःहे जुया शत्रु पाप कर्म ज्वनी सदा  
ज्वनी मूर्ख ! लि ॥ दुःख फल रूपं जुई उया ॥७॥

मिज्वी मखुगु ज्या तोती ह्याय्धासा उकिया फलं  
स्वयान भांग याय् माला पश्चाताप कया मर्न ॥८॥

(११)

शुजोगु ज्या सदा याय्मि गुगुया कर्मया फलं  
प्रसन्न चित्तं दे यःतः तापयाय् म्वाक सो मनं ॥९॥

पाप फल मवोतल्ले कस्ति मापा घया च्चनी  
जब व फल बी पापं पापीया दुःख वैचनी ॥१०॥

कुश चोका नया च्चोसां लच्छिया इक दुर्मति  
उयागु धर्म भिखुव्वे च्चव्वीनं शून्यथे म्यनी ॥११॥

न्याना दुरु मस्योथेतं पाप याय्वं म्यनी मखु  
छमिनसे वुलूमिथे पापीयागु उवनी वकु ॥१२॥

अनर्थकर उवी बुद्धि मूलग्रह व्यक्तिया शन  
मूर्खतां वैगु प्रहाव सुकर्म बाकि ते मन ? ॥१३॥

मठ विहारया स्वामी उवीगु इच्छा कका मनं  
"गृहस्थ भिक्षु धैपिनं सृष्टि जिगु" घया मनं  
कृत्य सकृत्यया जिग्मा धाइ जिक्केतु निर्भर  
शुजोगुह मूर्खयो इच्छा गव वृद्धि दुई तर ॥१४,१५॥

भिक्षु उवी त्यामया मार्गं भया निर्वाणया पथ  
बिबेक बुद्धिया तमास्तु तोता छ्व लोभया गयः ॥१६॥

## पण्डित वर्ग - ५

कल्याण मित्र भावामाः धनेव दोष दर्शक  
विह्व संगत या जूसा उया उवा सुख वधक ! ॥ १ ॥

अति क्षीण जुया शास्ता मभिगु कर्म तोतुका  
व्यक्ति उवी प्रिय ज्ञानीया ! अप्रिय तर मूर्खया ! ॥ २ ॥

दुष्ट अधम पासाया संगत याय् मते गर्न  
मिह्व हीतह्व पासाया संगत या सदा जनं ॥ ३ ॥

धर्म रस युया च्चोह्व न्हो वेकी सुख पुर्वक  
आर्य धमे तई श्रद्धा पण्डितं प्रेमपूर्वक ! ॥ ४ ॥

धः भ्रुहं लः छ्वई माथाय अथेहे वाणकारकं  
थःत माथे कया साज दय्की वाण छसी कथं  
सिंकिमिं सिं हनं माथे चाटवीका धैगु ज्या सनो  
पण्डितपिसं थःतःहे दमन याय्गु स्वैच्चनी ॥ ५ ॥

तंगो लो हँ फसं भ्याहे संके गथेकि फेमखु  
पण्डितजन संकेगु निन्दां मानं तु फेमखु ॥ ६ ॥

अथाह स्वच्छ गम्भीर पुखुया लः समान हँ  
प्रसन्न चित्त उवी न्योसा सद्धर्म धैगु पण्डितं ॥ ७ ॥

भिषिं ज्वी मखु आसक्त काम बोधेनं चरित  
दुःख सुख मरे जूसां हानी मया प्रकाशित ॥ ८ ॥

धन पुत्र तथा राष्ट्रयागु इच्छा सुनां मते  
अधर्मं स्वह्य हानीया प्रहा धर्मं च मिलि दे ॥ ९ ॥

पारंगत जुया धीपि धव लोकय भतिनाजक  
बाकी दुपि फुकं व्यक्ति ध्वीध्वी जनीगु सिधय जक ॥ १० ॥

सद्धर्मा सुनां सेवा गार्ध धर्मानुसार लं  
रहे दुस्तर संसार पार याङ्गि संस्वरं ॥ ११ ॥

पाप कर्म सदा तोता शुभ कर्म उबना सदा  
छे बुं तोता जुया मिश्रु एकान्त बास प्रेमया ॥ १२ ॥

काम भोग फुकं तोता सर्वस्व धगु त्यागया  
एवं रीतं सदा हानीं चित्तया मल दूरया ॥ १३ ॥

संभोधि धर्मया अंगे अभ्यस्त जूह्य पण्डित  
अपरिग्रहया धर्मं ग्रहण त्याग पूर्वक  
याना ध्वीह्य अनासक्त मरे धुंकुह्य आश्रव  
द्यु तिमान् जनया निर्मित प्राप्त निर्बाणया पद ॥ १४ ॥

## अरहत वर्ग — ६

बनेगु मार्ग कोचापि शोक रहित व्यक्तिपि  
ग्रन्थं मुक्त जुया उर्वोसा सन्तापो उधी मखू इपि । १ ॥

याई उद्योग ज्ञानीमहं छेँ काय थुपि चवनी मखु  
छेँ तोती थुमिसं मानो हज्जंथेँ क्षद्रगु पुखू ॥ २ ॥

असञ्चयी जुया उर्वोसा भोज्जादी जुया पठी  
अनिस्तितगु निर्वाण मानो शून्य स्वरुपगु  
गोचर याह्य ज्ञानीया गति सिकेत फेमखु  
मानो आकाश मार्गं व व्वैज्जीह्य भंगया सरी ॥ ३ ॥

सु उंची सो आश्रव क्षीण अनासक नयेगुली  
अनिमित्तगु निर्वाण मानो शून्य स्वरुपगु  
गोचर याह्य ज्ञानीया पद सीकेतु फेमखु  
मानो आकाश मार्गं व व्वैज्जीह्य भंगया सरी ॥ ४ ॥

सलैत सारथीं यार्थेँ याना दमन इन्द्रिय  
गर्व व भाध्रवं क्षीण जूह्यहै देवता प्रिय ॥ ५ ॥

संके मफुगु पृथ्वीथेँ इन्द्र किलसरी ब्रती  
जूसा दैमखु सो क्लेश स्वच्छगु पुखूली सरी ॥ ६ ॥

उपशान्तं तथा ज्ञानं मुक्तह्य स्थिर चित्तया  
कायवाक् चित्त उधी शान्त स्वच्छ शुद्ध स्वतां जुया ॥ ७ ॥

अन्ध श्रद्धा सदा तोता फुका संसार व बन्धन  
जन्म आशा नितां म्वाह्य वहे पुष्प सज्जन ॥ ८ ॥

गामे वा जंगले जूसां यद्वा गाले स्थले अभ  
अर्हन्तपि च्वना च्चोसा पवित्र भूमि ज्वी अन ॥ ९ ॥

रमणीय वने धासा कामे आसक्त व्यक्तिपि  
छुई मखु च्वनेजा; छ्वी केवल धीतरागपि ॥ १० ॥

Dhammadownload.com

(१६)

## सहस्र वर्ग - ७

अनर्थ पद दोलंदो हायगुसिक उखे छगु  
अर्थ युक्तगु खँ श्रेष्ठ गुगु न्यना कि शान्ति दु ॥१॥

अनर्थ पद दोलंदो युक्तगाथा स्वयां बरु  
अर्थ युक्तगु गाथा भि गुकिं दै विस शान्तगु ॥२॥

अनर्थ पदया गाथा शलंशहे व्वने स्वयां  
छगु धर्मार्थ गाथा भों शान्ति दै गुगुलि न्यना ॥३॥

दोलंदो शैन्य संग्रामे त्याके फुम्ह स्वयां बरु  
थःत त्याकुम्ह थःमंहे विजयी श्रेष्ठ शान्तगु ॥४॥

मेपि त्याके स्वयां थःत थःमं त्याकेगु उत्तम  
भात्मदमन यानानं कयानं नित्य संयम  
थुजोपि व्यक्ति स्यंकेगु नाना गन्धर्व देवतां  
ब्रम्हा सहाय कासांह मारं फैमखु छुं छतां ॥५,६॥

लां लाः पति इना व्युसां सहस्र धन दक्षिणा  
सछि दँहे बिका यासां यज्ञ कर्म तथा कना  
शुद्धम्ह व्यक्तिया पूजा यानातिहे ग्यनी मखु  
श्रेष्ठ उधी घौंछियो पूजा यज्ञ बगुसं उके बरु ॥७॥



सच्छि दहे बने चीना युद्ध यासां तथा मन  
ज्ञानीया घौछि सत्कार यानाति तुल्य ज्वाी गन ॥८॥

भाजन्म हीम यज्ञादि यासाहे पुन्य दे धका  
प्यन्वे छुम्वे ग्यने थाकु बन्दना तुल्य सन्तया ॥९॥

बन्दना शीलया रत्न मान्य सत्कारया गुण  
दे चोम्ह व्यक्तिया दे धव आरोग्यादि प्यता गुण ॥१०॥

सच्छि दे वर्षहे म्वासां दुराचारी जुया अन  
सदाचारी जुया म्वासां ग्हीछिहे श्रेष्ठ ज्वाी धन ॥११॥

चित्त मंगल दुःखक जुया म्वासां सच्छि दहे  
ध्यान शील दया चोम्ह छुम्वे म्वासां भिनी बहे ॥१२॥

अलसीम्ह अनुयोगी म्वासां सच्छि दे वर्षहे  
उत्पत्तिम्ह महाभोगी छुम्वे म्वासां भिनी बहे ॥१३॥

म्वासां विनाश उत्पत्ति मस्युम्ह सत वर्षहे  
स्युम्ह विनाश उत्पत्ति छुम्वे म्वासां भिनी बहे ॥१४॥

अमृत पद तोफुम्ह म्वासां सतच्छि वर्षहे  
अमृत पद चोम्ह छुम्वे म्वासां भिनी बहे ॥१५॥

श्रेष्ठगु कर्म निपुणम्ह म्वासां सतच्छि वर्षहे  
उत्तम धर्म निपुणम्ह छुम्वे म्वासां भिनी बहे ॥१६॥

(१८)

## पाप वर्ग - ८

भिगुड्या थाकनं याय्मा पाप मने तये मते  
पापे मन घना चोनी हुलुं सुकर्म याय्बले ॥१॥

पाप धैगु जुया धोसा पापजा याय् मते पुनः  
इच्छा तोती सदा पापे पाप खः दुःख कारण ॥२॥

शुभ कर्म उखे यासा सदैव याय्गु सो थन  
मन नं छुं उकि माको पुण्य खः सुख कारण ॥३॥

पापीया भिना चोनि पाप फल मषो तले  
फल जव भई पापं पापों पाप खनी अले ॥४॥

पुण्यघानं खनी पाप पुण्य फल मव्यू तले  
पुण्यं फल विया कयोसा पुण्यं पुण्य खनी अले ॥५॥

भतीचा पाप यानाजा छु जुई थन धाय् मते  
कारण थन घासा तिकि तिकी नना गथे  
धैप भयबी लखं जाया पाप धैगु अथेनतुं  
मूर्खपिसं सदा मुंकी भति भाति तुतुं तुतुं ॥६॥

थुलीचा पुण्य याना जिं धाय् मव्यू छु दई थन  
फुति फुति जलं जायी धैप अथे मयेविक

अथेहेतुं सदा कालं भति भति जुसां कया  
द्वहे मुंकी मने पुण्य धैर्यवान् पुरुषं लिया ॥७॥

सस्त्र मद्गुह्य वेपारीं तोतूथ्यं भय युक्त लं  
अथवा बीष वाँडोथ्ये स्वायुगु ईच्छा मने दुम्हं  
पाप धैगु सदाकालं घृणा याना अथेनतुं  
तोतेमा पुरुषं शीघ्रं भय बीष धका म्हुतुं ॥८॥

हाती घाः मद्दु धासा सो बीष त सां छु ज्वी अन?  
पाप यदि मया धाःसा पाप थीगु गनं अन! ॥९॥

शुद्ध निर्मल निर्दोषी पुरुषपिन्त दोषजा  
मूर्खपिसं विया स्वोसा इमेत पावा ज्वी सदा  
फय वया च्वंगु पाखें, सो फसय गथेकि धू स्वया  
हला छ्बोगु गथे धूनं थःतहे कः वई स्वया ॥ १० ॥

सुयां ज्वी जन्म संसारे नर्के ज्वी नरा पापीया  
स्वर्गं ग्धी पुण्यघानया ज्वी निर्बाण शुद्ध चित्तया ॥११॥

समुद्र शैल आकाशयागु छिद्रेतु सू जूसां  
पाप कर्म बचे ज्वीगु संसारे थाय् मरू वना ॥ १२ ॥

स्थान मद्दु अथेहेतुं हते आकाश शैलया  
मृत्यु पाखें बचे ज्वीगु संसारे थन प्राणीया ॥१३॥

## दण्ड वर्ग - १०

सकलें दण्ड धाय्वं ग्या मृत्यु धाय्वं हनं अथे  
समान भालपा घात याय् मते याकेनं मते ॥ १ ॥

सकलें दण्ड धाय्वं ग्याः प्राण शःगु जुया प्रिय  
समान भालपा घात याय् मते याकेनं मते ॥ २ ॥

स्वार्थी जुया सुनां स्याई दण्डं सुखे स्वतन्त्रपि  
प्राणीयातः उया लोके सुख ज्वीमखु कुगति ॥ ३ ॥

सुखया लँज् जुया ज्वीपि प्राणीयात बिया सुख  
हिसादि दण्ड तोतूपि व्यक्तिपिन्तनु ज्वी सुख ॥ ४ ॥

दुर्वचन सदा तोतो यासां प्रयोग मेपिसं  
दुःखदायी जुया बोली दुःख ज्वी अज दण्डनं ॥ ५ ॥

शःत निशब्द याय् फःसा तःज्या कँज् भूंसरी थन  
कलह शान्त ज्वी वागु निर्वाण प्राप्त ज्वी अन ॥ ६ ॥

सा भवानं कथि ख्याना यंकी सायात गौचरे  
जरा मृत्युं तथा यंकी प्राणी आयु बुलुं स्वरे ॥ ७ ॥

दुःख ज्वीगु मस्यू पापीं मभींगु कर्म योय्वले  
दुर्वुद्धि पापया भागं मीथे पुकी लिपा अले ॥ ८ ॥

अदण्डमह धया दण्ड अदोषमह हनं धया  
दोष म्वाकं सुनां व्यूसा भागु दुःखे उगु उया ॥९॥

तीव्रगु वेदना हानि अं भंग व रोगनं  
राज दण्ड व वं निन्दा थःधितिया विनाशनं  
हनं भोगोदिया नाश अग्नि भयनं शीघ्रहे  
दुष्प्रज्ञ धैगु नर्केनं वासयाना ज्वनी अले ॥१०,११॥

आकांक्षा दे सुया बाकि शुद्धि दैमखु सो उया  
नांगां ज्वोसां व्रती जूसां ब्रह्मे द्योसां धुले बुया ॥१२॥

अलंकृत जुया ज्वोसां भिगु शील कया सधां  
शान्त दान्त जुया नित्य ब्रह्मचारी जुया सुनां  
प्राणीया उपरे माया करुणा मागु तै थन  
वहे व्यक्ति जुई भिक्षु श्रमण अभ ब्राम्हण ! ॥१३॥

लजां निसिद्धगु कर्म तोतूणि व्यक्ति ज्वी कम  
फैमखु सह याय् निन्दा कोडार्थे भि सलं अन ॥१४॥

कोडार्था चोतथे मानो सह मयाह्व भि सल  
जुयो, ज्वीमा ससंवेगी प्रयत्न शील चल्पल ॥१५॥

श्रद्धा शील तथा धीर्य योग धर्म विनिश्चयं  
युक्त जुयालि विद्यावान् आचारवान् जुया हनं  
स्मृति धैगु तथा साथे शुभ कर्म ज्वना पथे  
महान दुःखया अन्त याय्गु स्वय्मा सधां अले ॥१६॥

लःयंकी धःम्हूम्हं माथाय् अथेहे वाण कारकं  
थःत माथे कया साज दय्की बाण छुसीखतं  
सिकर्मि सि हनं माथे चातूका धैगु ज्या सनी  
सुब्रति नितं थःतहे दमन याय्गु स्वै व्वनी ॥ १७ ॥

Dhammadigital

(२३)

## बूढा वर्ग - ११

मि ज्योगु नित संसारे छु हिलेगु ? छु मोज दु ?  
अन्धकारं प्यस्ये तोपू, जःमालेगु बिचा महु ॥१॥

कै व कवे नं सदायुक्त रोग संकल्प पूर्णगु  
अस्थिरगु सदाकालं शरीर सो विचित्रगु ॥२॥

ध्व शरीर सदा जीर्ण, रोग पूर्ण व भंगुर  
नष्ट भग्न हनं माक्को, प्राणीया मृत्यु उधी अक्क ॥३॥

अपथ्य स्यंगु लौकार्थे, मानो शरद कालया  
सबुजा तुल्य कवे खंम्हं, गाईला प्रेम देहया ? ॥४॥

लाहि लेपन यान्तःगु कवे नं प्रस्तुत देश व  
अभिमान जरा मृत्यु कपटं परिपूर्ण वः ॥५॥

बांलागु रथ राजाया जीर्ण जुया वनी गथे  
भीगुनं आयु फूलीस्ये शरीर ध्व स्यनी अथे  
सत्य धर्म मजू जीर्ण संसारे तर सो गनं  
धषा धाई सघां सन्तं ज्ञानीपिसं खना मनं ॥६॥

अज्ञानी व्यक्ति ज्वी जीर्ण लहना केवल दो हथे  
लाहि जकं उया दै सो प्रज्ञा दैमखु देहथे

वारम्बार पुनर्जन्म काय्गु दुःख सिया थन  
गृह कारक मामां हे आपालं जन्म काय् धुन ॥७॥

गृह कारक थौं छन्त ह्यसीके घुन जि दुने  
ज्याभ छंगु फुकं स्यंका आःजा फेमखु छे दने  
मन्त पोल अहा छेया मन्त संस्कार सो मने  
तृष्णाया क्षय जि याना ववं निर्वाणया पदे ॥८,९॥

ब्रह्मचर्य विना च्चोह्य धनं रहित यौवने  
पुरुष कौंचथे च्चनी झुके जुया जलाशये ॥१०॥

भग्न वाणं पुलां खँथे लुमंका ताप तै मने  
ब्रह्मचर्य विना च्चोह्य धनं रहित यौवने ॥११॥

Dhamma Digital



(२५)

## थः वर्ग - १२

प्रेम दु धैगुहे थःतः जूसा यायमा सुरक्षित  
स्वंग् मध्ये छगू थाम् ज्वीमा जाग्रत पण्डित ॥ १ ॥

न्हापा थःतः सदा भिका मेपिन्त उपदेश व्यु  
थुकर्ये थाम् ह् ज्ञानीया मनस क्लेश दैश्वर्यु ॥ २ ॥

मेपिन्त गुगु न्यकेगु थःमं पीलनया उगु  
मेपि त्याकेगु थःत्यासा, थोकु त्याकेगु थः बरुति ॥ ३ ॥

थःम्ह थहे सदा स्वामी मेपि सुं मदु थः त्रिना  
थःत थःम्ह बुके फःसा स्वामित्व प्राप्त ज्वी नना ॥ ४ ॥

थःम्ह पैदा व उत्पन्न यानागु पाषया फल  
जुई दुबुद्धिया दुःख बज्रथे लवहं पर्वत ॥ ५ ॥

थुंसिमाय् गुं खियाचोथे सुया दुश्शील वृद्धि ज्वी  
थःत थमंतुं ज्या याना शत्रु इच्छा सरी व ज्वी ॥ ६ ॥

अहितगु मभि ज्याखँ यायत्त अःपु खुरु खुरु  
हित ज्वीगु तथा भिगु ज्या घासा थोकु याय्वरु ॥ ७ ॥

भ्रान्त सिद्धान्तया काबु जुग कारण मूर्खदि  
व्यक्ति योई सदा निन्दा धार्मिकपिन्त दुर्मति

(२६)

अर्हतु शासनं निन्दा याई, फल स्वरूपजा  
पमाय् फल सया बोधे जुई उया बिनाशजा ॥ ८ ॥

थःमं यानागु पापंहे थःतः मलिन ज्वी सदा  
थःमः यानागु पुण्यंहे थःतःतुं शुद्ध ज्वी सदा  
शुद्ध अशुद्ध धैगु थव थः थःमं ज्वीगु निश्चय  
सुजानं स्वैतहे शुद्ध फेमखु यायगु निश्चय ॥ ९ ॥

परार्थ प्रति आत्मार्थ बहुधा हानि याय् मज्जू  
आत्मार्थ धैगु सीकाहे सदर्थे नित ज्वीगु ज्यू ॥ १० ॥

Dhamma.Digital

## लोक वर्ग - १३

हीन धर्म सधां तोती प्रमादे मन छ्वे मते  
तोती असत्य विश्वास, लोक वृद्धि व याय् मते ॥१॥

धर्माचरण या भिगु, तोता अलस्य नित्य दँ  
सुख दै धर्मचारीया थव लोक परलोक सं ॥२॥

धर्माचरण या भिगु, मभिगु याय् मते गनं  
सुख दै धर्मचारीया थव लोक व परलोक सं ॥३॥

मृग जल तथा पीजा स्वयेगुथेतुं लोकनं  
स्वया व्वोम्ह मनू रात मृत्युराजं खनी गनं ? ॥४॥

लोक सो थव अहा ! मानो राज रथ वि नित्रगु  
थुकी आसक्त ज्वी मूर्ख ज्ञानीपि तर ज्वी मखु ! ॥५॥

न्हापा भूले जुया, लिपा भूले मजूमह सानं  
याई निर्मल चन्द्रंथे लोकयात प्रकाशित ॥६॥

तोपुई पाप यानागु भिगु कर्म सुनां फुक  
सुपाचं मुक्त चन्द्रंथे याई संसार उज्ज्वल ! ॥७॥

अन्धकार थव संसार मिखां खंपि म्हहे थन  
जालं मुक्ताह पंक्षीथे स्वर्ग वीपि म्हहे थन ॥८॥

हजृत व्वै नभया मार्गं व्वै ऋद्धि बलवन्तपि  
सशैन्य मार त्याकूसा थ्यनी निर्वाण धीरपि ॥९॥

नियम धैगु तोत्तुह असत्य वाक्य हाइम्हं  
परलोके अश्रद्धाम्हं, यायफु सकल पाप वं ॥१०॥

देव लोके मथ्यो कंजूस्, मयो सो दान मूर्खवा  
दान यो धीरया, तस्मात् सुखी व परलोकया ॥११॥

याकचां राज्य पृथ्वीया यायगु स्वर्ग वनेगुनं  
लोकेश ज्वीगु सोयान् श्रोतापत्ति महोत्तम ॥१२॥

## बुद्ध वर्ग - १४

गुह्यसिनं जितय् यागु बुके फै मखु सो लिपा  
 राग द्वेष तथा मोह ल्याहां वै मखु सो सुया  
 वसपोल महाज्ञानी पथ मदुह्य संयमी  
 बुद्धयात गुगुं मार्गं अस्थिर थन याय् फई ? ॥१॥

जाल मदु सुया लोके फैले ज्घीगु बुलुं थन  
 तृष्णां हानं सुयातजा वशे काय्मकु सो थन  
 वसपोल महाज्ञानी पथ मदुह्य संयमी  
 बुद्धयात गुगुं मार्गं अस्थिर थन याय् फई ? ॥२॥

धीर ध्यानी व त्यागीह्य उपशमन याजूह्य  
 स्मृतिमान् बुद्धयातजा देवं धाई नमोनम ॥३॥

मनुष्य योनि कीगु थव. अनित्य देहनं थन  
 सद्धर्म आदि नेनेगु, बुद्ध जन्मनं दुर्लभ ॥४॥

पाप मयाय्गु थो जन्मे, वाय्गु पुण्यगु कार्यत  
 चित्त शुद्ध सदा याय्गु सीकी बुद्धोपदेश थव ॥५॥

सहनशीलता क्षान्ति तप मध्येतु श्रेष्ठ खः  
 बुद्धजनं हनं धाई निर्वाण पद श्रेष्ठ खः ॥६॥

घ.त याईह्य मेपिन्त प्रव्रजित घ ज्वी मखु  
 पीडा मबीह्य मेपिन्त श्रमण खः सदा बरु  
 निन्दा मयायूगु स्वैतहे मयायूगु फक्क घातनं  
 भिक्षु नियम जोनेगु भोजन ज्ञान कायगुनं  
 वास चवनेगु एकान्ते योग अभ्यास यायूगुनं  
 थ्वहे खः बुद्धया शिक्षा, मागु थ्व थन कायगुन ॥७॥

द्रव्यादि हे जूसा बर्षा तृप्त ज्वी मखु कामना  
 कामे भोगे दुसां स्वाद, अल्प दुःख दुर्थे सिया  
 तैमखु पण्डितं इच्छा दिव्य कामे सुखे थुलो  
 सम्यक् सम्बुद्धया शिष्यं स्वै तृष्णा क्षय यायूगुली ॥८,९॥

भयया कारणं वृक्ष, चैत्य उद्यान पर्वत  
 वन इत्यादि मालानं शरणे वनी व्यक्तित  
 परन्तु शरणे घोंसां कल्याणकर ज्वी मखु  
 उत्तम मखु थो मार्ग, दुःखेन मुक्त ज्वी मखु ॥१०,११॥

शरणेजा सदा वीह्य बुद्ध धर्म व संघया  
 प्रज्ञा ज्ञानं हनं खंह्य प्यगू थ्व आर्य सत्यया  
 “दुःख व दुःख उत्पत्ति, हनं दुःख विनाश व  
 दुःख निरोध ज्वीगुनं आर्याष्टांगिक मार्ग व”  
 शरण थ्व भयं मुक्त कल्याणकर उत्तम  
 थुजोगुलि शरणे वीह्य दुःखं मुक्त ज्वी थन ॥१२,१३,१४॥

(३१)

दुर्लभ जन्म ज्ञानीया, जन्म सर्वत्र ज्वी मखु  
गगु कुले डया जन्म व कुले दुःख दै मखु ॥१५॥

सुख खः बुद्धया जन्म, भन सुख सद्धर्म देाना  
सुख खः एकता संचे, एकताय् तप कामना ! ॥१६॥

संसारिक प्रपचं व शोकं भयनं मुक्तपि  
बुद्ध श्रावकयो पूजा यात धासा सदा मनि  
निर्मय अभ निर्वाण ज्वी धुंकूपि गुणी जुया  
प्रभाव फल-पूजाया फै मखु धाय् थुली धका ॥१७,१८॥



सुखवर्ग - १५

वैरी मध्ये अवैरीहे जुया स्वाना सुखं चवने  
वैरी मध्ये अवैरीहे जुया बिहार यान्चवने ॥ १ ॥

ग्यापिं मध्ये मग्यापिंथें जुया स्वाना सुखं चवने  
ग्यापिं मध्ये मग्यापिंथें जुया बिहार यान्चवने ॥ २ ॥

आसक्केतु अनासक्त जुया स्वाना सुखं चवने  
आसक्केतु अनासक्त जुया बिहार यान्चवने ॥ ३ ॥

सुख पूर्वक स्वान्चवोने हं दुगु मखुसां थन  
प्रीति भोजन यान्चवने आभास्वर सरी अन ॥ ४ ॥

त्याग्हयात दई वैरी, बृग्हयात तथा दुःख  
त्या, बू तोता सु ज्वी शान्त घनी ब सुख पूर्वक ॥ ५ ॥

दैमखु रागथें अग्नि, दैमखु द्वेषथें मल  
दैमखु स्कन्धथें दुःख, दैमखु शान्तिथें सुख ॥ ६ ॥

प्वा-समस्या म हारोग, संस्कारनं महादुःख  
थुकी यथाथं सीकेगु निर्वाणथें महासुख ॥ ७ ॥



निरोगहे महालाभ, सन्तोषहे महाधन  
विश्वास हे महाबन्धु निर्वाणहे महासुख ॥ ८ ॥

शान्तिया रस एकान्ते च्वना त्वोपितु निर्मय  
धर्मया रस पानादि यापि निष्पाप निश्चय ॥ ९ ॥

आर्यया दशनं मि उवी, संगतिं भन् सदा सुख  
मूर्खे-दशनं दाय् खासा हानं उखे महासुख ॥ १० ॥

मूर्खेया संगति-शोक, शत्रुर्थेहे सदा दुःख  
धिरया संगति-धासा बन्धुर्थेहे सदा सुख ॥ ११ ॥

अर्कं संगत या मानौ चन्द्रं नक्षत्रया पथ  
यार्थं धोर, व्रती, प्रज्ञ, बहुश्रुत, मुनी जन ॥ १२ ॥

## प्रिय वर्ग - १६

थःत थःम्हं गुथाय् तक्क शुभ कर्मस तैमखु  
अनुचितगुली घासा थःत सुनां कि तःगु दु  
हानं सदर्थ तोताली प्रिय भोगे तई मन  
याई आत्मानुयोगीया स्पृहाजा इमिसं थन ॥ १ ॥

अप्रियपि व थःयोम्ह प्रियपि नाप ज्वी मने  
प्रियपि मखन्की दुःख, खंसा अप्रियपि अथे ॥ २ ॥

अकें व ब्रेम तोता छ्व प्रिय बियोग ज्वी धका  
प्रिय अप्रिय तोतूसा बन्धन मुक्त ज्वी सदा ॥ ३ ॥

प्रियंजा शोक उत्पन्न याई भय अथेनतुं  
प्रियं मुक्त जुया च्चोसा शोक व भय दैमखु ॥ ४ ॥

शोक कारण खः प्रेम, प्रेम खः भय कारण  
प्रेमं मुक्त सदा जूसा शोक व भय नाशन ॥ ५ ॥

रागं-उत्पन्न ज्वी शोक, रागं उत्पन्न ज्वी भय  
रागं मुक्त सदा जूसा शोक व भय दै गन ? ॥ ६ ॥

शोकं उत्पत्ति ज्वी काम, भय उत्पत्ति ज्वी पुनः  
काम मुक्त सदा जूसा शोक व भय दै गन ? ॥ ७ ॥

(३५)

शोकया जन्म तृष्णां खः भयया जन्म खः अभ  
तृष्णां मुक्त जुया च्चोसा शोक दु नत सो भय! ॥ ८ ॥

शीलवान्, सत्यवान्, चिद्वान्, धर्मवान् कर्मवान्, प्रति  
लोकं याई सदा प्रेम दुर्नेनिसें सधां अति ॥ ९ ॥

सुयां निर्वाणया इच्छा सुयां स्पर्श दु चित्तया  
मदु मन सुया कामे 'उद्ध' स्रोत' दु नां उया ॥ १० ॥

परदेश वनाच्चोमह ताःकालं यदि हयाँ वल  
धासा याई पूजा मान बन्धुमित्रजनं अन ॥ ११ ॥

अथेहे पुण्यवान्पिन्त परलोकतु उधी बले  
याई पुण्य फलं स्वाणात् ज्ञातिवन्धुं सरी अले ॥ १२ ॥



## क्रोध वर्ग - १७

क्रोधं घमण्ड तोता छ्वः बन्धनं पार ज्वीगु सो  
 'नामरूपे' अनासक्त अम् सदैव ज्वीगु सो  
 परिग्रह हनं तोता अरागीश्रुतु ज्वीगु सो  
 यथे जूपि मनूयात दुःखं फौमखु थीगु सो ॥ १ ॥

वहे खः सारथी धैम्ह वोगु तँ गथथे ज्वना  
 भिगु मार्गे सुनां यंकी मेपि खालि खिपः मववा ॥ २ ॥

अक्रोधं क्रोध त्याकेमा; मभिगु भिगुलि हनं  
 दानं त्याकेगु कजूसी, सत्यं असत्य धैगुन ॥ ३ ॥

खँ हा सत्यगु, तँ तोती, दुगु छुं मति दान या  
 स्वंगू थव कार्य यापिन्सं थकी समीप देवया ॥ ४ ॥

गुम्ह मुनि जुया च्वोनी अहिंसक व संयमी  
 थ्यनी व भिगुली स्थाने मजू गन नुगः मछि ॥ ५ ॥

जागरुक सदा जूमह सयका कायगुस व्यस्तम्ह  
 इच्छा याइम्ह निर्वाण व्यक्तिया नष्ट आश्रव ॥ ६ ॥

अतुल! थव पुलं खँ खः थौं म्हिगयागु खँ मखु  
 संक च्वोपिनिनं निन्दा जुया च्वनी हनं उगु

मात्राच्छि जक खँ हारह सियाँ निन्दा जुया च्वन  
मदु निन्दां बचे ज्वीमह थव लोके व्यक्तिपि थन ॥७॥

निन्दाजक सदा यद्वा प्रशंसाजकनं थन  
जूमह व्याक्त न दै च्वन, न दै तिनि, न दै वन ॥८॥

विज्ञजनं प्रशसाजा न्हिन्हि बिचार पूर्वक  
स्वैत याई, व मेधावी. दोष मदुमह सार्थक  
प्रज्ञाशील दया च्चोमह. जाशुनद समानमह  
व्यक्तियात सुजां निन्दा याय् फै ? ज्वी बरु स्तुत्यमह ॥९,१०॥

चंचलतां बचे याना याय्मा संयम कायिक  
निच चरित्र तोता या सदाचरण कायिक! ॥११॥

घाणी-चंचलतां रक्षा, घाणी-संयम या हनं  
वाक् दुश्चरित्र तोता छ्व, वाक् आचरण या थवनं ॥१२॥

मन चंचलतां रक्षा, मन संयम या हनं  
तोती मनया कुचाल, सदाचरण या मनं ॥१३॥

सुसंयमी धका घाई धीरपिन्त सधां थन  
सुया दै नित बांलागु काय् वाक् चित्त धैशु संयम! ॥१४॥

## मल वर्ग - १८

महासुनःगु सिमा हःथे आ छ उवी थन धुंकल,  
 यमदत्त हनं छंयाय् न्द्योनेसं वयनं धुंकल,  
 अवश्यनं विनाशादि उवीगु छंगु जुयो चवन  
 अयनं छंकेतु लं खर्च छुहे मदुनि सो थन ॥१॥

दय्कि तापु अके आ छं, ज्याखं पण्डित, उवीगु सो  
 मल क्लेश विना जूसा, उवी आर्य भूमि प्राप्त सो ॥२॥

पवीनं धुंकल सो आयु, थयने धुंकल कालनं  
 बास मदुनि लं वीवे, लं खर्च मदु छुं हनं ॥३॥

ता दय्कि याकनं मागु पण्डित जू परिश्रमं  
 मल क्लेश विना जूसा मुक्त उवी दुःख वन्थनं ॥४॥

बुलुं बुलुं मदय्का छ्व मेधावीं चित्तया मल  
 षहया मल वांछोथे सुचुक लुं कर्मि फुक ॥५॥

नं प्यहांवोगु नंखि सो नयातहे नया छ्वई  
 चंचल जूरुह व्यक्ति छ्वै थःगु कर्म स्व दुर्गती ॥६॥

मन्त्रं मयाय्गु आवृत्ति विद्यायो थन खः मल  
 छेँ मल्लनेगु स्योसाहे छेँया सदैव खः मल

शरीरे नित आलस्य ज्वीगु सौन्दर्यया मल  
हनं असावधानीहे पाः च्वनीहसिया मल ॥७॥

कूचाल मल खः स्त्रीया, कपटी ज्वीगु दानया  
पाप खः बरु पापीया इह व परलोकया ॥८॥

हे भिक्षुपि ! अविद्याहे मल मध्ये महा मल  
अकें थव मल तोताली ज्वीगु सो नित निर्मल ॥९॥

निलज्ज अन्न शूराह्न कोथें लाकेगुली जुया  
सकिलिध्वानं जूसा म्वाय्गु सुगम ज्वी उया ॥१०॥

कठिन खः जुया म्वाय्गु लज्जाशील, पवित्रता  
शुद्ध आजीविका याना अनालस्य हनं जुया ॥११॥

प्राणीघात सधां याह्न, हाह्न असत्य बाक्यनं  
कर्पिनेगु खुया काह्न, स्वै ज्वीह्न पर मिस्तनं  
मद्यपान हनं याह्न पुरुषं थुगु लोकस  
थःमहे थःगु हा लेहं थना छ्वई थव निश्चय ॥१२,१३॥

असंयमीह्न पापी ज्वी धका लुमंकि हे जन  
मज्वीमा दुःख लोभं व अधर्मं छन्त सो थन ॥१४॥

श्रद्धां प्रशन्नतां दान लोकं विई खुसी जुया  
करपिनि नये त्योंसा असन्तोष सधां जुया  
नमवासे च्वना च्वोंसा पुलु पुलु त्वलं स्वया  
चान्हं हिनं गनं शान्ति दे मखु उह्व व्यक्तिया ॥१५॥

‘हा’ हे लेंहे धनो छोसो यदि उक्त स्वभावया  
चान्हं हिनं दया शान्ति, समाधि प्राप्त ज्वी उया ॥१६॥

मदु राग सरी ‘अग्नि’, मदु द्वेष सरी ‘ग्रह’  
मदु मोह सरी ‘जाल’, मदु तृष्णा सरी ‘नद’ ॥१७॥

खंके अःपु सधां दोष मेपिनिगु उखे थुखे  
खंके थाकु सधां दोष थःम्हं थःगु गथे गथे  
परदोष हला छ्वैगु व्वेकालि हिमथें जनं  
तोपुई थःगुजा दोष, पासाथं ह्वितिम्हं हनं ॥१८॥

माला ज्वीह्व कतः दोष थथे अथे धका सधां  
व्यक्ति आश्रव प्वोचीसो, क्षयया मार्ग लोमनां ॥१९॥

रेखा मदु गथे आक्से, श्रमण मदु सो पिने  
प्रपञ्चहीन सम्बुद्ध, मेपि प्रपञ्चयो दुने ॥२०॥

रेखा मदु गथे आक्से, श्रमण मदु सो पिने  
मखु सो नित्य संस्कार, मदु चंचलता जिके ! ॥२१॥



(१६)

## न्यायक वर्ण - १५

यातसा सहसा ज्याखें विना विचार निर्णय  
धर्मस्थित बंधा लोकां धार्मिक मनुष्यां यान्ति ॥१॥

सः मखु एव नितान् सीका निष्पक्ष धैर्यनं कया  
पण्डितं न्यायकं जूसा धर्म न्यायी जुई ॥२॥

यको खं सः धका धाय्वं ज्वी मखु यन पाण्डित  
निर्मयस्य धर्मिणी लोकां धैर्यनं कया ॥३॥

खंजक आपलं हाम्हे धर्मधर जुई मखु  
परन्तु जलन मोत्र खं न्याया सदैव पुण्यगु  
शीरं मित सी यासा जाचरण उक्ते भक्त  
धर्म प्रमाद तोतूसा सदा ज्वी धर्मया धर ॥४॥

धुयुलं बुल धाय्वंजा स्वधिर मखु सी सदा  
धार्मिक मनुष्यां यान्ति बुढा केषल सः धका ॥५॥

सत्य धर्म अहिंसादि, संयम दमनादि एव  
इया ज्वीसा सदा धार्मिक धैर्यधिर सुखं व ॥६॥

हल कपट इत्यादि, सुन्दर रूप युक्तम्  
पुरुषयात बांलाम्हे धार्मिक मखु सुनां यन ॥७॥

सुनां एष दोषया मूल नष्ट याना च्वना च्वन  
दोष रहित मेधावी धका धाई सदा धन ॥८॥

व्रतहीन मिथ्याभाषीं यासांहे शीर मुण्डन  
श्रवण ज्वी गथे धर्म इच्छा लुब्ध जुया धन ? ॥९॥

स्थूल वा सूक्ष्म पापादि शमन प्रायतु धुंकुम्ह  
व्यक्तियात सदा धाई मिम्ह श्रवणया गण ॥१०॥

दुराचरण युक्तम्ह व्यक्ति शिक्षा पवना जुसां  
मिक्षु ज्वीमखु सो लोके मिथ्या कार्य दया सधां ॥११॥

पुण्य पाप निवृत्तां बाह्य जुयान शान्ति मूर्तिम्ह  
ब्रह्मचारी जुया च्चोम्ह ज्ञानीम्ह मिक्षु खः धन ॥१२॥

विद्याहीनम्ह मूर्खं सो मौनव्रत कया जुसां  
मुनि धका सुनां लोके धाई मखु थथे च्वनां  
तल्लज्जुईथें लना तत्व, पाप होता सधां च्वना  
मुनिनं धाय् हनं यासा मनन निगू लोकया ॥१३,१४॥

हिंसा याईम्ह लोके थ्व आर्य ज्वीमखु सो गनं  
हिंसा मयाम्ह जा नित्य आर्य सतत ज्वी धन ॥१५॥

( ४३ )

शीलवान् ब्रतधारी वा बहुश्रुत व संयमी  
हनं एकांत वासी जि, जुया निष्क्रम्यया सुखी  
हे भिक्षुर्पि, गुथायत्क आश्रव क्षय ज्वी मखु  
दुःखं ह्युतय् जुया च्वोमह धका विश्वास याय् महु ॥१६,१७॥

## मार्ग बर्ग - २०

मार्ग मध्ये महाश्रेष्ठ अष्टांगिक जुया च्वन,  
 सत्य मध्ये महाश्रेष्ठ आर्य सत्य जुया च्वन,  
 धर्म मध्ये महाश्रेष्ठ वैराग्यहे जुया च्वन,  
 व्यक्ति मध्ये महाश्रेष्ठ चक्षुमानहे जुया च्वन ! ॥ १ ॥

ज्ञानया प्राप्तिया लागि मार्ग रूगू थ्व केवल  
 भिक्षुपि ! उषो थ्वहे मार्ग, मार त्याकी थुकी थन ॥ २ ॥

थ्वहे मार्ग ज्वना जूसा अन्त उषी दुःख घेगु व  
 बाणर्थे दुःख सीका थीं कना जि थन मार्ग थ्व ॥ ३ ॥

याय्मा ज्या थग्गु थम्हे मार्ग क्योथे तथागतं  
 थ्वहे मार्ग ज्वना जूसा छुतय् उषी मार बन्धनं ॥ ४ ॥

'अनित्य फुक संस्कार' घका प्रज्ञां खनीबले  
 उषी सो विरक्त संसारं, विशुद्धि मार्ग खः थ्वहे ॥ ५ ॥

'दुःख खः फुक संसार' घका प्रज्ञां खनीबले  
 उषी सो विरक्त संसारं विशुद्धि मार्ग खः थ्वहे ॥ ६ ॥

'अनात्म खः फुक धर्म' घका प्रज्ञां खनीबले  
 उषी सो विरक्त संसारं, विशुद्धि मार्ग खः थ्वहे ॥ ७ ॥

थायमागु बखते भिगु उद्योग छुं मया सुनां,  
 युवा व बलवान जूसं आलस्य तै मने सुनां  
 मने म्वाग्वागु संकल्पं भरैयाना च्वनी सुनां,  
 प्रज्ञा मार्ग मजू प्राप्ति थुजोह व्यक्तिया छतां ॥८॥

घाणी रक्षा सुनां याई, मने संयम तै सुनां -  
 प्राणी हिंसादिया पाप शारीरिकं मया सुनां  
 स्वंगू थव कर्मया मार्ग शुद्ध याई हनं सुनां  
 घने फै व्यक्ति मार्गे व तःगु तथागतं कना ! ॥९॥

योग उवी ज्ञानया वृद्धि, अयोगं क्षय ज्ञानया  
 निगू थव मार्ग सीकालि उत्पत्ति व विनाशया  
 निगू मध्ये छनू मार्गे उगुली थःत ती सधां  
 गन उवी वृद्धि प्रज्ञाया भिजुको मनसं मुना ॥१०॥

घन छेदन याः वृक्ष मखु वनं जुई भय  
 भिक्षु निर्वाण दे यासा घन व भाड छेदन ॥११॥

भा भी छिका मछोतले मभिगु वृद्धि उवी गन  
 अणुमत्रं मिस याके का. ना जुतले अन  
 प्रतिवद्ध जुया च्वोनो सदेव व्यक्तिया मन  
 सायाकेथे मचा साया दुरु निर्मित सधां अन ॥१२॥

शग्द-कुमुद तोथूथे; वाँछवो स्नेह मने दुगु  
 बुद्ध व्यूगु ज्वना मार्ग निर्वाण उवीगु सो उगु ॥१३॥

( ४६ )

वर्षा, हेमन्तया वास धन याय् अन याय् धका  
थथे मूर्खं विचा या ज्वी, मखं वं विचन ज्वी धका ॥ १४ ॥

पशु व पुत्रया लागि भासक्तपि ज्वनी यमं  
न्ह्यो बेका च्वंगु गाँथीत यंकुथे बाः वया लखं ॥ १५ ॥

न काय् म्हायनं बचे याय्फु, न माबौनं न बान्धवं  
मृत्युं ज्वनीबले सो सो, मजू रक्षा सुनां गनं ! ॥ १५ ॥

धवहे कारण सीकालि शीलवान् जूह्य पण्डितं  
वनेगु मार्ग निर्वाणे याय्मा सो शुद्ध याकनं ॥ १७ ॥

## प्रकीर्ण वर्ग - २१

अल्पगु सुखया स्थानं विपुल सुख देगुसा  
वीधंगु सुख तोतेमा, धीरं तःधंगु भि धया ॥१॥

करपिन्त बिया दुःख जुम्ह थः सुख याय धका  
व्यक्तिया, शत्रु संसर्ग जुगुलि शत्रु दे सदा ॥२॥

मागु मयाम्ह, म्वाम्बागु धासा योम्ह व्यक्तिया  
अभिमानि अहंकारी जुया आभव दे सदा ॥३॥

याई मखु अकर्तव्य काषानुस्मृति दे सुया  
याई कर्तव्यहे वं सो, सदैव उद्यमी जुया  
थुजोम्ह स्मृतिव नजुम्ह, जागक सचेतम्ह  
व्यक्तिया क्षय ज्वी सारा मभिगु विसया मल ॥४॥

मां- तृष्णा, व्वां-अहंकार, निगू हृष्टि निम्ह जुजु  
अनुचर हनं ज्ञा, स्कंधादि-दाष्ट सो उगु  
तथैव व्याघ्र खः न्यागू आवरणादिनं थन  
फुक्क हनन यासा ज्वी निष्याप नित ब्राम्हण ! ॥ ५,६ ॥

बुद्ध, धर्म, तथा सङ्ख्यागु स्मृति सर्धा तथा  
ज्वीपि गौतमया शिष्य च्चनी जाग्रतहे सुया ॥ ७,८,९ ॥

कायस्मृति तथा चर्मादि, शरीरात् मननं दुर्षि  
 योगाभ्यासे हनं चोपि गीतम शिष्य वर्गपि  
 चान्हं न्हनं सदाकालं जगत्क बुया चना  
 निर्वाण पक्षो मानं लक्ष्यकमा स्वया चना ॥१०, ११, १२॥

प्रव्रज्याय मन तथ् कुरु, गृहस्थे दुःख यत्तु  
 अस्मिन्ना बुया चोपि नाप हने मज्ज मत्तु  
 आवागमनयो चक्रे लाना चनेगुनं मज्जु  
 तोतालि चक्राय मार्गं दुःख स्थित उवीमु ज्जु ॥१३॥

श्रद्धावानह सदाचारी यशस्वी सद्गुणी धनी  
 न्याथाय् वीसा सदाकालं मानं सत्कार दे हान ॥ १४॥

जने दे सन्तपि न्होने तापावहे हिमालये  
 अस्मत्पुरुष उवी लोपे लयीथाय् कय्कीमु वाणये ॥१५॥

एकाकिन छपां लीसा याना उवीस हिमालय  
 संयमी व्यक्तिया वास चने उवीस न्होने ॥१६॥



## नरक वर्ग-२२

असत्यपि व 'यानानं मयाना' धाइपि मनु  
नर्के वनी, सिना हानं लिपा समान ज्वी छनु ॥१॥

काषाय वमत्र कंठे तै परन्तु ज्वी असंयमी  
अकर्तव्य फलं पापं नरक बास ज्वी इमी ॥२॥

असंयमी व दुःशील जुया अन्न नयां बरु  
अग्नि-शिखा सरो तप्त नंगवारा नयगु योग्य जू ॥३॥

प्रमादी, परस्त्रीगामी व्यक्तिया प्यंगु दै गति  
अपुण्य-लाभ, कू निद्रा, दुःखि निद्रा व दुर्गति  
अभ्र अपुण्यगू लाभ त्रासं अत्यल्पगू रति  
दण्डनं ज्वी अर्के सीती परस्त्री गमने मति ॥४,५॥

मज्जोसा कुश बांलाक हाती घाःपा जुया च्वनी  
'सन्यास धर्म' बांलाक मकासा नरके यनी ॥६॥

शिथिल कार्यया पाखें, मल युक्त व्रतं, अभ्र  
अशुद्ध ब्रह्मचर्यनं प्राप्ति ज्वी मखु सो फल ! ॥७॥

याय्मागु कार्य हं द सा कोशिस या पराक्रमं  
रोगादि 'धू' सदा ब्वेकी प्यानुम्ह परित्राजकं । ८॥

पापकर्म मयाना मि, पापीया अनुताप उवी,  
घर्म कर्म ज्वना उवी मि घर्मी या अनुताप पवी ॥ ९ ॥

सिमान्त देशया किल्ला दुनेपिने सुरक्षित  
जुथेनतुं सदा याय्मा यःत थःमं सुरक्षित  
समय् घेगु घौछीहे सितिजा छ्वे मज्यू थन  
सिति छ्वोसा, लिपा म्वाकं शोक उवी नरके अन । १० ॥

माथाय् घासा मछा घाई, म्बोथाय् हानं मछा घका  
मिथ्या धारण यापिन्त दुर्गति प्राप्त उवी सदा ॥ ११ ॥

निदोषे दोष मापा तै, दोषय् निदोष तै तथा  
मिथ्या धारण यापिन्त दुर्गति प्राप्त उवी सदा । १२ ॥

दोषय् दोष, तथा हानं अदोषय्जा अदोषहे  
घका थ्वोका सदा कापि प्राणीया वसि स्वर्गहे ॥ १३ ॥

## किसि वर्ग - २३

संग्रामे कयकिगू वाण सहयाई किसि गुलि  
सहयाय जि कटु वाक्यादि; संसारे दुष्टपि भति ॥१॥

ताल्लिम्ह किसि गै राजां, संग्रामेनं यनी गया,  
श्रेष्ठ उवी व्यक्तिन सःह्य आत्म दमन दे सुया ॥२॥

आजानीय हनं सिन्धी महानाग व लखर  
ताल्लिम् जूसा जुई श्रेष्ठ, सःसा भनू श्रेष्ठ भी भक्क ॥३॥

सल किसि गया जूसां निवपि थयंकय फैमखु  
शिक्षित संयमी जूम्ह निर्वाणे थयंकय फै बरु ॥४॥

धनपालं मनः लुंहे बन्धने अन कूबले  
लुमकारल स्वजातपि तल वं मन जडूले ॥५॥

नया यथे घना यथे भलसी ज्वीम्ह फा सरी  
मन्द बुद्धि दया च्चोम्ह जमसं जन्म कावनी ॥६॥

न्हापा मन दुधाय वित्त चाहिला उवीन धुंकल  
थीं जि वशे तये थ्वैत मागःनं किसिथे थन ॥७॥

अप्रमादे रते ज्वीगु, स्वचित्त शद्ध योयगु, सो  
नाःया गाले दुना च्वोह्य किसिथे थः थकायगु सो ॥ ८ ॥

सच्चरित्रह्य पासा या दःसा विन्न व घांछवया  
हानं व व्यक्तिया साथे विचरण सहर्ष या ॥ ९ ॥

मदुसा मित्र थःयोह्य याकचा चाहिलेगु ज्यू  
मातङ्ग किसिथे; यद्वा बूह्य राजैव ज्वीगु ज्यू ॥ १० ॥

मूर्खह्य मित्र सोयाजा याकचा ज्वीगु ज्यू सघां  
अनासक्तह्य मातङ्ग किसिथे जङ्गले च्वना ॥ ११ ॥

मौकाय् ज्या बीह्य पासा भिः दुथ्ये पुथ्ये च्वनेगु भि  
पुण्य भि सीबले, हानं दुःख फुका च्वनेगु भि ॥ १२ ॥

सेवा भि मां व बौयोगु, श्रमण भिक्षयागुनं  
श्रमणत्व व भि लोके, ब्रम्हणत्व व भि थन ॥ १३ ॥

मसीतले सदाचारी ज्वीगु भि, अक्क भि स्थिर-  
श्रद्धा तय्गु, विना पाप प्रज्ञा प्राप्ती व भि अक्क ॥ १४ ॥

## तृष्णा वर्ग - २४

प्रमादी व्यक्तिया तृष्णा मालुवा सरि वृद्धि उवी  
वने उवनीम्ह माकःथे जुया उयागु जन्म पवी ॥१॥

विपालु जन्म काउवीम्ह तृष्णां स्वैत उवनी कया  
वीरण धैगु घाँज्चोथे शोकया वृद्धि उवी उया ॥२॥

तर दुर्जय थो तृष्णायात बुकी सुनां मनं  
कुतुं वनी उया शोक जलथे पद्मया हलं ॥३॥

वया थन हनं जि ध य्-“उवी मा छिमि सुमङ्गल !  
तृष्णोया हा लिना वाँछ्वा उशीरथे व वीरण !” ॥४॥

लपे मदं हा चुली हथे त्वाहाहासां उखे थुखे  
तृष्णाया हा मलयू तल्ले दुःखनं दै उवनी उखे ॥५॥

स्वैतजा स्वीखुगू श्रोतं मनोच्छा जूगुली यनी  
रगाश्रितगु संकल्पं वैत उवीका सध्वां यनी ॥६॥

तृष्णा स्रोत प्यखे वाः धो, वनेत लँपु पँ गुखि  
खंका तृष्णा-लताया हा चाना छ्व ज्ञानया चुपि ॥७॥

(५४)

तृष्णाया खुसि ज्वी स्वीग्ध आरुग्ध सुखदायक  
स्रोतेहापिनि ज्वी जन्म, मृत्यु. दुःख भयानक ॥ ८॥

स्रोरे लाम्ह कराचार्ये तृष्णा पीडित व्यक्ति ज्वी  
संयोजने हनं लीन ताःकालं दुःख कष्ट सी ॥ ९॥

तृष्णा ल्यूल्यू जुया च्वोपि करासा सरि बन्धने  
ज्वी; अके भिक्षुपि! तोती तृष्णा वैराग्यया पथे ॥ १०॥

निर्वाणार्थी जुया, तोता छेँ अङ्गल समानगु  
छेँ तुं बास हनं यासा बन्धनं मुक्त ज्वी मखु  
अर्थात् तृष्णां जुया मुक्त हानं तृष्णा सुनां व्वनी  
बन्धनं मुक्त ज्वी धुंका बन्धने धोम्ह तुल्य ज्वी ॥ ११॥

धीरं धार्इ- " खिपः नं सिंयात नकलि बन्धन  
धन पुत्र तथा स्त्रीहे वरु सकाल बन्धन ॥ १२॥

पतनोन्मुखे दुस्त्याज्य शिथिल जूगु बन्धन  
तोथुला अक्क तोताली काम सुख अनेकन  
अनुरक्ति जुया ज्ञानं, सीका दुःख मनं नित  
प्रव्रजित जुया च्वनी मुमुक्षु धीर पण्डित ॥ १३॥

रागे रक्त जुयाच्वोम्ह तृष्णा स्रोते कुतुं व्वनी  
थ गु जाल दुने थःहे तक्कंम्ह माकवा सरी!

धीरजनं धुकीयात् त्वाह्वना बहु ह्र्वै मत्तं  
प्रव्रजितं जुया कां दुःखं तोषं लसीकथं ॥१४॥

संसार पापं ज्ञु, श्रोता संकथ स्वंगु कालया  
सर्वत्रं मुक्तं ज्ञुवन्ति देमखु जन्म, मृत्युजा! ॥१५॥

वितर्कं वै सुया वित्ते, राग वै धम् भ्रान्ति वै  
तृष्णा बुद्धि जुया वैत अर्थेहे बन्धनादि वै! ॥१६॥

संकल्प व विकल्पादि शान्त यायुगुलि रत्तह  
अशमगु सधां स्वैह्य जागरूक जुया नित  
जन्म-मुक्तं जुय च्छोह्य दूरदर्शीह्य षण्डितं  
त्वाह्वाना नष्ट यान् ह्र्वै मार बन्धन कैवर्तं ॥१७॥

मल तृष्णा तथा प्रास शल्य रहित उषी सुया  
सुधा पवी धम् कर्तव्य, भन्ति जन्म उषी उया ॥१८॥

सुया मदु गनं छुंहे तृष्णा, संसार-बन्धन  
सुर्ना स्यू काल्य भाषा व व्याकरणिय लक्षण  
थुजोह्य व्यक्ति उषी लोके निश्चयनं निरन्तर  
“भन्तिम जन्म धारीह्य महाप्रज्ञा महानर!” ॥१९॥

सकलितं बुका त्याका, फुकं सीका व्रना यन  
स्वंगुलि धर्मया पाखे अलिप्तमह जुया थन

सर्वं त्यागी जुया, तृष्णा तोतो, विमुक्त उची धुन  
प्राप्त याना स्वयं ज्ञान, स्वैत गुरु कयने थन ? ॥२०॥

धर्मदान महादान ! धर्मरस महारस !  
धर्म प्रेम महा प्रेम ! तृष्णा क्षय महा क्षय ! ॥२१॥

दुर्बुद्धि व्यक्तिया नाश भोगं याई सधां थन  
पार उचीगु विचा छुंहे मयासा यदि वं अन  
मभिगु भोगया तृष्णां दुर्बुद्धिया हनं स्यनी  
थःत थःमं सधां नष्ट याईम्ह व्यक्तिया सरी ॥२२॥

बुँयागु दोष घाँज्थेतुं मनूया दोष राग खः  
राग रहित जूपिन्त बीगु दानादि श्रेष्ठ खः ॥२३॥

बुँयागु दोष घाँज्थेतुं मनूया दोष द्वेष खः  
द्वेष रहित जूपिन्त बीगु दानादि श्रेष्ठ खः ॥२४॥

बुँयागु दोष घाँज्थेतुं मनूया दोष मोह खः  
मोह रहित जूपिन्त बीगु दानादि श्रेष्ठ खः ॥२५॥

बुँयागु दोष घाँज्थेतुं इच्छा खः दोष व्यक्तिया  
इच्छा रहित जूपिन्त दान याय् भिं पुकं स्वया ! ॥२६॥



(५७)

## भिक्षु वर्ग - २५

मिखा हास्यं वशे तय्गु भि धका सीकि सो मनं  
हाय् म्हुतुनं वशे तय्गु भि धका सीकि सो मनं ॥ १ ॥

देह मन तथा वाणीयागु संयम भि हनं  
सर्वेन्द्रिय वशे तःपि भिक्षु ज्वी मुक्त दुःख-लं ॥ २ ॥

हाहा तुति तथा वाणीयागु संयम दै सुया  
उत्तम संयमी धाय्का ध्यान योगादि दै सुया  
एकान्त वास यानालि धैर्य सन्तोष दै सुया  
सकल गुण सम्पन्न ' भिक्षु ' नां योग्य ज्वी ज्या ! ॥ ३ ॥

चाषीया संयमी जूहं खं हाई विधि पूर्वक  
चंचलता विना, नम्रं अर्थ धर्म कनी अफ ॥ ४ ॥

धर्मया चिन्तना चर्चा अनुस्मरण वन्दना  
याह्य भिक्षु मजू च्युत सत्य धर्म हुतुं दना ॥ ५ ॥

थगु लाभ जुया च्चोसा याय्मते अवहेलन  
पर लाभ जुया च्चोसा याय्मते द्वेष चिन्तना  
पर लाभे स्पृहायाह्य चंचल जूह्य भिक्षुया  
प्राप्त ज्वी मखुसो लोके समाधि मागु चित्तया ॥ ६ ॥

भक्तिचा लाभ जूझीये ययासी अवहेलना  
'शुद्धजीवि' धका देव वेतवी 'शुभकामना' ॥७॥

'थःगु' धैर्गु सुधा लुं हे मनु थव जगते गण  
अस्ति सुलो निशोकीम्ह वहे खः भिक्षु सी थन ॥८॥

बुद्धयां शासने उधोना मैत्रिय भावना तथा  
स्त्विंकार शान्तवता यागी उधोम्ह भिक्षु सुखी सदा ॥९॥

लः हलालि हलूका या देह-डुंगा खनी मन  
राग व द्वेष स्यका छव निर्वाण प्राप्त या हनं ॥१०॥

न्यागुयी हा सधां त्पहा, न्यागुयी जड त्यानीया  
न्यागुयी भावया प्रेम, भिक्षु न्यागू व पारया ॥११॥

भावयः ध्यान यो भिक्षु! वेहोसी तर उवी मने  
कु म म भोगया सक थःगु व चित्त छवे मते  
प्रमत्तम्ह जुया म्वाक नया म्बारा नये मते  
आय म्बालेमा लिपा ताप "दुःख जुल धका हर!" ॥१२॥

अस्थिर उवी विना प्रज्ञा, अस्थिरम्ह अपण्डित  
प्रज्ञा व स्थिरता दःसा, निर्वाण पद भूषित ॥१३॥

एकान्त बास या प्रेमी, सम्यक् धर्म महामुनि  
जूम व भिक्षुया चित्ते दे लोकोत्तरया रुचि ॥१४॥

प्रीति; प्रसन्नता रूपा अमृत उलि प्राप्त ज्वी  
मिक्षुं विनाश उत्पत्ति गुलि खः स्कन्धयागु सी ॥१५॥

‘नित्य संयम, सन्तोष, भिक्षु नियम पालन’  
थुलि थव मुख्य कर्तव्य बुद्धिमान् भिक्षुया थन !  
सत्संगत् नित याय्मा वं शुद्ध आजीविका दुग्ध  
निरालस जुया च्चोम्ह मित्रनाप भिनी गुग्घ ॥१६॥

सेवा सत्कार याय् सय्की आचारण सध्यां कया  
याय् फे दुःखया अन्त आनन्दित थुकि जुया ॥१७॥  
राग व द्वेष हाय्का छ्व, हे भिक्षु छिमिसं मनं  
जीस्वांमां नित हाय्कूथें गंगु पुलांगु स्वां फुकं ॥१८॥

काय् वाक चिन् सुगो शान्त समाधि युक्त ज्वी सुया  
मदु छंहे सुया भोगे, सो ‘उपशान्त’ नां उया ! ॥१९॥  
स्वयं थःन सुना थःन होसयानो लना स्वई  
स्मृतिमान् संयमी भिक्षु जुया व सुखसं च्चनी ॥२०॥

मनू धेम्ह स्वयं स्वामी, मनू धेम्ह स्वयं गति  
उकि संयत या थःत वेपारि सलया सरि ॥२१॥

बुद्धया शासने श्रद्धा दुग्ध शान्तगु चित्तम्ह  
भिक्षुं संस्कार स्यकाली ज्वनी सो पद उत्तम ॥२२॥  
बुद्धया शासने च्चोम्हं ज्ञानं थुसें निसें नित  
सुभाचं मुक्त चन्द्रथें लोक याई प्रकाशित ! ॥२३॥

## ब्राह्मण वर्ग - २ ६

ब्राह्मण ! छिन्न या स्रोत, बान्धुव काम पराक्रमं  
संस्कार क्षय सीका छं, ध्वीकि निर्वाणजा मनं ॥१॥

संयम, भावना धैरु निगू धर्मस ब्राह्मण  
पारंगत सदा जूसा नष्ट ज्वी फुक बन्धन ॥२॥

अपार अथवा पार, पारापार सुया मदु  
निर्मय व अनाशक्त जूमह ब्राह्मण कः बरु ॥३॥

ध्यानी, ज्ञानी व एकान्ती ओश्रवहीन हृत्यमह  
उत्तम अर्थ प्राप्तीमह-वहे कः थन ब्राह्मण ॥४॥

पालंपार्थे ह्निने चान्हे सूर्य चन्द्र थिना च्वनी  
कवच बद्ध जूसा व क्षत्रि धैरु थिनो च्वना  
ध्यानी सदा जुया च्चोसा ब्राह्मणनं थिना च्वनी  
थःगु तेजं व खे बुद्ध चान्हहिनं थिना च्वनी ॥५॥

ब्राह्मण, -पाप च्चोकीमह, भ्रमण, -भिगु कर्ममह  
प्रव्रजित उया नाम मल बान्धुवय धुंकुमह ॥६॥

दाय मज्यू ब्रम्हुजूपिन्त, ब्रम्हुजं कोप याय मज्यू  
ब्रम्हुजू ईमह धिक्कार ! भन धिक् कोभीमह ब्रम्हुजू ॥७॥

ब्राह्मणयोत कल्याण प्रिय वस्तुत तोतिगु  
हिंसाय् विमुत्र जूलिसे दुःख ज्वी फुक शान्तगु ॥८॥

देह मन तथा वाणीं पाप तोती सुनां थन  
संयमीतु स्वता द्वारं जूमह ब्राम्हण धाय् अन ॥९॥

उपदेशकया द्वारं समुद्रं कंगु धर्मथे  
सीके दःसा सदा पूज्य व्यक्ति व अग्निहोत्रथे ॥१०॥

जटा गोत्र तथा जन्म दःसां ज्वीमखु ब्राम्हण  
सत्य धर्म सदा दःसा ज्वी पवित्रमह ब्राम्हण ॥११॥

जटा तथा, भुना चर्म, दुर्बुद्धिहे ! छुयाय् थन ?  
दुने खिति, पिनें स्यूसां पवित्र शुद्ध ज्वी गन ? ॥१२॥

एकान्त जङ्गले चवना भ्वाथ चीवर धारण  
याइमह, नित गंसीमह ध्यानी खः थन ब्राम्हण ॥१३॥

जन्म दु ब्राम्हणी-कोखं अयूसां मखु व ब्राम्हण  
जूसां व नित सम्पन्न धाय् जि उयात 'भो' थन  
भोह मदुमह ज्ञानोमह, इच्छा काय्गु मदेकुमह  
छुंहे मदुमह सन्तोषी धाय् जि उयात ब्राम्हण ॥१४॥

फुकं बन्धन त्वा ह्ना, त्रास मदुमह शान्तमह  
संग, भासक्ति तोतूमह धय् जि उयात ब्राम्हण ॥१५॥

क्रोध, तृष्णा सदा तोता, मिथ्या दृष्टि फुका अन  
पलिघ यात वान्छोयो बोध जूम्ह व ब्राम्हण । १६ ॥

बध-बन्धन, बोव्यूगु मन मस्यंक धारण  
याना च्वोम्ह, क्षमा शक्ति दुम्ह व्यक्ति व ब्राम्हण ॥ १७ ॥

ब्राम्हण खः अक्रोधीम्ह, सदाचारी व संयमी  
अन्तिम देह धारीम्ह अतृष्णाम्ह सदाव्रती ॥ १८ ॥

जलथे पद्म पत्रे वा, तूथे व मुलुया च्वकाय  
अलिप्त काम भोगेजो जूम्ह ब्राम्हण वर्ग धाय । १९ ॥

दुःखया क्षय थोजन्मे बोध याई सुनां थन  
मयातूगु भार 'कू' तोती, वहे खः शुद्ध ब्राम्हण ॥ २० ॥

जूम्ह गम्भीर प्रज्ञावान् मेधावी अक्क कोविद्  
उत्तम अर्थ प्राप्तीम्ह सदा खः थन ब्राम्हण ॥ २१ ॥

प्रव्रजित गृहस्थार्दि अलिप्तम्ह सदा जुया  
इच्छा ओशा विना च्वोम्ह ब्राम्हण खः धका धयो ॥ २२ ॥

चर अचर प्राणीया हिंसा पोखे विरक्तम्ह  
मस्याइम्ह, मस्याकीम्ह व्यक्तिहे थन ब्राम्हण । २३ ॥

विरोधी, -अविरोधीम्ह ! दण्डधारी, -अदण्डम्ह !  
असंग्रही सदा जूम्ह धाय् जि उयात ब्राम्हण ॥ २४ ॥

तूयेंहे मुलुया चोकां, राग द्वेषादिनं मनं  
कुदकूम्ह महाव्यक्तियात ब्राम्हण धाय् हनं ॥ २५ ॥

अकर्कश जुया च्चोम्ह स्पष्ट वक्ता व सत्यम्ह  
पीडा मव्यूम्ह मोपन्त धाय् जि उयात ब्राम्हण ॥ २६ ॥

ताःहा चीहा, च्चिहं तःह भि मभिगु जूसां सुनां  
लोके छुंहे मया खुं-ज्या उया 'ब्राम्हण' धंगु नां ॥ २७ ॥

थव लोके, पर लोकेनं आशा मयाम्ह छुं थन  
आशक्त अक्क संयोग मदुम्ह खः व ब्राम्हण ॥ २८ ॥

मदुम्ह थन आशक्ति संशयादि गनं मने  
अमृत-पद प्राप्तीम्ह ब्राम्हण उवी धका कने ॥ २९ ॥

पाप पुण्यं छुत्तय् जूम्ह, क्लेश मदुम्ह शुद्धम्ह  
निर्मलम्ह मनूयात धाय् जि सतत ब्राम्हण ॥ ३० ॥

चन्द्रमार्थं सदा स्वच्छ विमल, शुद्ध धारण  
भव-तृष्णां छुत्तय् जूम्ह धाय् जि उयात ब्राम्हण ॥ ३१ ॥

दुर्गं म भव घः चार्थे तत्रयनीमु व मोहगु  
 अः स मार्ग सुनां तोता, तीर्ण उवी गुम्ह पार उवी  
 ध्यानी उवी, स्थिर उवी, शंका रहित उवी अजन्मगु  
 निर्वाण-पद प्राप्ती काय् धुंको ब्राम्हण नाम उवी ॥ ३२ ॥  
 काम भोग सदा तोता, छेँ तोता प्रव्रजित जुया  
 काम-भव सुनां स्यंकी 'ब्राम्हण' धेगु नां उया ॥ ३३ ॥  
 तृष्णा तोता, तथा छेँ बूँ तोतानं प्रव्रजित जुया  
 तृष्णा-भव सुनां स्यंकी ब्राम्हण धेगु नां उया ॥ ३४ ॥  
 मानुषिक तथा दिव्य भोगादि अभ फुक्क व  
 तोती जुया अनाशक्त 'ब्राम्हण' धायगु योग्य व ॥ ३५ ॥  
 रति अरति तोतूमह शान्तमह क्लेश हीनमह  
 सारा लोक सदा त्याका वीर जूमह व 'ब्राम्हण' ॥ ३६ ॥  
 प्राणीया मृत्यु उरुपत्ति स्यूमह बांलोक कोरक  
 सुगति प्राप्त सर्वज्ञ अनाशक्तमह 'ब्राम्हण' ॥ ३७ ॥  
 सुया गति मस्य लोके देव गन्धर्व मानवं  
 क्षीण आस्रव अर्हत्तमह 'ब्राम्हण' योग्य घाय् हनं ॥ ३८ ॥  
 भूत भविष्य आयागु धारे आसक्त हीनमह  
 परिग्रह व आदान रहितमह व 'ब्राम्हण' ॥ ३९ ॥  
 निभीतमह सदा श्रेष्ठ, महावीर महर्षिमह  
 स्नातकमह. विजेतामह स्थिर बुद्ध व 'ब्राम्हण' ॥ ४० ॥  
 पूर्व जन्म सदा स्यूमह, स्वर्ग नरक दर्शक  
 पुनर्जन्म हनं म्वामह अभिज्ञा दुम्ह पण्डित  
 समस्त कार्य धुंकुमह निर्वाण पद प्राप्तमह  
 महामुनि सदा जूमह धाय् जि उयात 'ब्राम्हण' ॥ ४१ ॥



## सत्यमोहन जोशीजुया पाखें

१. निह्न मचाया मां (वाखें) प्रकाशक श्री आदि वज्राचार्य ल.पु
२. गौतम बुद्ध ( नाटक ) " धर्मोदय लभा, कलकत्ता
३. सुखया किचले ( निबन्ध ) " सत्य साहित्य सदन, ललितपुर
४. खँत्वा व खँभाय् " च्वसापासा, कान्तिपुर
५. छुनाखँ " " "
६. सिद्धिदास ( नाटक ) " श्रेष्ठ प्रकाशन, ललितपुर
७. कलाकार ( अङ्क १ ) " सत्य साहित्य सदन, ललितपुर
८. जय प्रकाश ( महाकाव्य ) " च्वसापासा, कान्तिपुर
९. कलाकार ( अङ्क २ ) " श्री हर्षराज, नर्सिहराज ललितपुर
१०. नेपाली लोकगीत " सत्य साहित्य सदन, ललितपुर
११. राज्याभिषेक्या म्ये " नेपाल सरकार, प्रचार विभाग
१२. धम्मपदं ( भावानुवाद ) " गाबाहाल जिर्णोद्धार संज्या  
महानुभावपिं, ललितपुर



सरधती प्रेस, क्वहिति, कान्तिपुर ।